

# UN VIDEO DEDICÂT AE SANIFICAZION DES MASCARUTIS PROTETIVIS

**A**gjenzie Regjonâl pe Lenghe Furlane, Protezion Civîl e Direzion Centrâl Salût de Regjon F-VJ si son impegnadis par meti a disposizion di ducj informazions e raccomandazions in lenghe furlane par protezisi dal Coronavirus. La colaborazion no je nassude dome par dâi atuazion ae normative di tutele de lenghe furlane - che e je fevelade di plui di 600.000 personis inte lôr quotidianitât -, ma ancje par vie che l'ûs des lenghis propriis dai citadins - massime inte sanitât - al miore la comunicazion, al cree empatie e al rive in maniere direte a une part grande de popolazion. Chestis informazions, par altri, a son une vore utilis par frontâ la fase 2 de emergjence. La prime azion specifiche e je stade la realizazion par furlan dal videotutorial dedicât ae sanificazion des mascarutis protetivis, fat dal Grup Comunâl Volontaris di Protezion Civîl dal Comun di Udin. Al spieghe cemût lavâ in maniere corete e sigure chês di stofe, par podê jessi dopradis plui voltis. Al è par podê doprâlis plui voltis une vore util, parcè che o savin che a bastin pocjjs semplicis azions par garantî la salût di ducj e che lis mascarutis a protezaran par tant timp la nestre quotidianitât, pe strade, intes buteghis e sul puest di vore. Si pues viodi il video sul sît de ARLeF [www.arlef.it](http://www.arlef.it) e ancje sul canâl YouTube de Agjenzie. Simpri sul cont des mascarutis,



## ARLeF, Protezion Civîl e Direzion Salût F-VJ insieme par fâ front ae emergjence Coronavirus

in colaborazion cu la Direzion Centrâl Salût de Regjon F-VJ e je stade fate la infografiche che e spieghe in maniere clare cemût doprâle cuant che si va fûr di cjase. Cun doprâlis di plui, cu la Direzion regjonâl al è stât ancje realizât un sfuei informatîf cu lis raccomandazions par limitâ la difusion de infezion Coronavirus, stampât in 10.000 copiis de Regjon, che al è stât dât fûr tai presidis e tai ospedâi des aziendis sanitariis dal territori dulà che si fevele furlan.

“Protezisi al è fundamentâl, e lu sarâ par tant timp - al dîs il president de ARLeF, Eros

Cisilino. - Intun moment di grande preocupazion come chel che o vivin, veicolâ i temis de prevenzion par furlan al vûl dâi valôr a une maniere di comunicâ e a une impostazion comunicative une vore empatiche, e duncje plui utile e direte. Par chest, o calcolin impuartant dâ il nestri contribût. Cun chestis primis iniziativis si indrecin o fevelin a un public adult, ma al è za in cantîr un progjet par spiegâ ai fruts, midiant di doi personaçs dai fumets, la impuartance de prevenzion de infezion. O sin ancje za in contat cu la onlus “Psicologi per i Popoli” de sezion F-VJ par fâ un video par furlan che al insemi cemût sbassâ la ansie.”

Pagjine par cure de ARLeF - Agjenzie Regjonâl pe Lenghe Furlane

**ARLeF**  
AGGENZIE  
REGJONÂL  
PE LENGHE  
FURLANE